

**PRODUCTION TEAM**

**Editor**

Rev. Khen P. Tombing  
C/No. 9862088190

**Jt. Editor**

Rev. H. Chin Thiansong  
C/No. 8731850322

**Contributing Editors**

Rev. G. Suanzalam

Rev. Khamlianmang

Eld. T. Khupzadou

**Cir. manager**

Mr. C. Biaklun

**Head Office**

Presbyterian Church  
in India (Reformed)  
Box -32, Hebron Veng,  
New Lamka 795128  
Manipur, INDIA

**Subscription Fee**

Rs. 10/- per copy or per month

**Website of the Church**

<http://www.pcireformed.com>

**THU TUUNTE**

<i>Editorial</i>	01
<i>Na buaina &amp; haksana</i>	04
<i>Cross a Jesu thugente</i>	08
<i>Missionary Day</i>	14
<i>Leikhamang Kristian</i>	16
<i>Pathian in hon sam hia?</i>	19
<i>Combodia apan laikhak</i>	23
<i>Mission Tour report</i>	25
<i>Mother's Day</i>	28
<i>US vehna program</i>	29

PCI Messenger Editorial  
Board in laigelhtu  
deih leh gelh bangtakin  
kisuah khiak sak ziau hi.

Printed, published and edited by Rev. Khen P. Tombing at Diamond Offset Press for the Presbyterian Church in India (Reformed)

01. April 3, 2014 Leaving India for USA
02. April 3, 2014 at St. Louis -Stays at Bobby Stierwalt's Home
03. April 5, 2014 Visit Central Presbyterian Church-Evening service
04. April 6, 2014 Visit Crossroads Presbyterian Fellowship-Sunday Morning
05. April 7, 2014 Meeting with ITEM
06. April 8, 2014 Stays at St. Louis
07. April 9, 2014 Stays at St. Louis
08. April 10, 2014 Meeting with Pastor Ryan Laughlin for Breakfast
09. April 11, 2014 Leaving St. Louis for Exeter
10. April 12, 2014 Stays at Nathan's home
11. April 13, 2014 Visit Exeter Presbyterian Church
12. April 14, 2014 Stays at Nathan's Home
13. April 15, 2014 Stays at Nathan's Home
14. April 16, 2014 Leaving Exeter for New Haven
15. April 17, 2014 Meeting with Dr. Nelson Jennings
16. April 18, 2014 Leaving New Haven for Connecticut
17. April 19, 2014 Stays at Pastor Brad Evans-Home
18. April 20, 2014 Visit Presbyterian Church of Coventry
19. April 21, 2014 Leaving for St. Louis
20. April 22, 2014 Stays at Bobby Stierwalt's Home
21. April 23, 2014 Leaving St. Louis for Tacoma
22. April 24, 2014 Stays at Tacoma till April 27
23. April 28, 2014 Leaving Tacoma for St. Louis
24. April 29, 2014 Stays at St. Louis
25. April 30, 2014 Stays at St. Louis
26. May 01, 2014 Stays at St. Louis
27. May 02, 2014 Leaving St. Louis for Pennsylvania
28. May 03, 2014 Leaving St. Louis for Pennsylvania-Stays at Jeff Zehnder's Home
29. May 04, 2014 Visit Fairview Reformed Presbyterian Church, Industry PA
30. May 05, 2014 Leaving Pennsylvania for St. Louis
31. May 06, 2014 Leaving St. Louis-Chicago-Abu Dhabi-Bangalore

## MOTHER'S DAY ( NUTE' NI)

Mitampite ngaih dan lou lamtak ah, Nute ni hong kipat tung in sahkua toh kisai khakna ana nei kei chih ding ahi. Nute pahtawinani, zahtakna leh itna latsakna lianpen toh hun zatni tuh hiai bang ahong kipan khia ahi.

Anna Jarvis tuh 1864 in piang a, hong khan let dungzui in ahin khua siangthoutak a zang a, asih tan dong a pasal neilou ding in thupukna bawl top hi. Kum 38 ahih in apan sih san a, anung sawtlou in, inn nusia in anu leh anau toh a tanaute in ah teng khom uhi. May 9, 1905 in anu'n sihsan nawn hi. Apa leh anu'n ahon sihsan chiang in thomhau, lauthong leh lungsim chidamlou tak in ahinkhua hon zangta. Huchi bang a a om chiang in hunpaisate ngaihtuahtuah in anu ngaihna leh itna hong uang semsem hi. Hunte nite liam zel mahleh anu itna leh khotuahna, deihsaknate a lungsim leh mitkha ah mangtheilou hi. Anu sihnung kum nih chinna May kha a Pathianni nihna 1907 in a lawmte chial khom in hiaini pen 'Mother's Day' Nute pahtawini a zatni ding in hon sawmpihtha hi. Anna in kum 20 val bang anun Biakin ana kaipih gige na Methodist Church a Sunday School Superintendent kiang ah May 10, 11908 pen Nuteni' a zat phalsak dia angetna phalsak a om in naupang 400 leh anute un Mother's Day zang in Johan 19: 26-27 pansan in thugenna nei hi.

Nute Ni' official tak a puankhiakna omlou ahimah in U.S Senate phalna leh lemsakpihna in May 8, 1914 in President Woodrow Wilson in May kha a Pathianni nihna pen 'Mother's Day' a zat ding in hon puangkha hi. Huai nung kum tamlou in khovel a muntanzawte ah 'Mother's Day kizang pah ngala, tuni tan in huaimah pai den lai in eiten leng izang. Apoi moh tuh ihih khempueh Pathian thupina dia ihih ahihding ahi. Nute ni zatnuam vek ni. Numanpha hi thei chiat din Pathian in Nute hon vualzawl hen.

- Rev. M. Kham Lianmang.

## PATHIAN KIPAHPIH NASEP & PROJECT

-Rev. M. Khamlianmang Coordinator (Missions)

Saptuam Head Office, Prebytery leh local saptuam level ah department chihin kumkhat a ding bang, kum thum/nga a zoh ding in project tuamtuan i nei ua, huaite sepsuah sawm in hun-leh-ni, tha-le-zung, sum-le-pai seng in Toupa gamna i sem chiat. Huchi bang nnate i sepchiang in ei project, tup leh ngimte kia semin kingai mahlehang Pathian project a kahiang khat a panla dia aman hon semsak ahih dan i phawk ding uh. Bangziakin i chihleh Pathian in huai I project neihte semthei dia puakgik honpia a huchi ding mah a hon Hotdamte i hihmanin.

Ahiehleh Pathian project thupipen leh lianpen bang ahia chiin kidong lehang i dawnna ding bang ahi dia?. Leitung a mikhialte Hotdam ding amah project lianpen leh thupipen ahi chileng i khial kei ding. Hiai nna semsuahtu leh athu tangkoupah ana om zia in eite tuni'n hotdam in i om ua, Pathian' tate suak in kipak tak leh lungkim tak in I omthei hi. Ahih leh hiai project ei a sepkiak aomta ahiehleh zoh ahita chia om maimai thei ding i hi diam? Hiai nasepna pen tunitan a leng zohsiang nailouh a om ahih dan Jesu Krist kampau ah amuh theih. Matthai 28: 19 ah "Kuan unla, nam chih a mi nungjui in bawl unla, Pa leh Tapa leh Kha Siangthou' min in baptisma tangsak unla, kon thupiak tengteng jui ding in amau thu hilh un. Huchi in kei na kiang uah khovel tawp pha in ka om gige ding" achi. Hiai a sepsuah ding omte tuh: 1. Kuan khiak ding. 2. Nungjui bawl ding. 3. Baptisma tansak ding (Pa, Tapa leh Kha Siangthou mina, Jesu min kia hilou in). 4. Sinsak ding. Hiai a sepding lii(4)te isep nading a hanthawanna leh thuchiam honpiak leng aom, huai tuh, "Lei leh van a thuneihna kakianga piak ahi achih leh khovel tawppha in na kiang uah ka omding/ka hon ompih ding" a chih ahi.

Hiai atung a sepsuah ding omte lak a akholdiak a sepsuah ngeingei ding tuh 'nungjui' bawl ding chih ahi a, huchibanga nungjui i bawlina dinga step/kalbi masa kuankhiak, anihna sinsak, athumna ah baptisma tangsak huchi ali-na nungjui ding bawlkhin hisamlou in, nungjui bawlina kipan thei taktakta. Gospel tangthupha zakhanailou khovel ah apom ding leh

Krist Hondampa a sang ding tam mahmah mai thei hi, huaite kuankhia a i va-zaksak ei gingu Kristiante mohpuak, ommun akipan a kuankhiak ding Jerusalem apan Samaria (mundang) ah. Baptis un chih omdan tak bel ginglou mite kiang a gospel tangthupha i va-gen Chiang a Jesu Krist pomtaktak chih suklatna a thukhun chiamtehna, Krist theih-pihtu in ka pang ding chih lahna kawm toh baptisma gingloute gingu hongsuah Chiang ua i piak ding genna ahinawn. Aban ah sinsak ding, Krist ahon pom tan ua nawtsiat mai ding hilou in, khalam a hong khanlet ua amau bang a khamangthangte mantu ahong hihtheih na ding ua pi ding. Piangthakte sinsakna in azuih louh Chiang in hongpuk ua, piangthak taktak hikenteh kichi Khanak hi. Gingu ahong hih Chiang ua Laisiangthou sim dingdan sinsak, thum ding dan, thilpiak piak leh biakin kai a Pathian biak ding dante sinsak poimoh mahmah Krist in hansawl na ahia huai tuh nungjui bawlkhiakna leng ahi. Pianthak na tan a Missionary nasem dia Krist in honsawl hilou in nungjui bawl a saptuamte kep nungjui ginom leh muanhuai hiding a bawl ding.

Tuni in missions nasep tangthupha gen a va-kuankhia,

baptisma va-tangsak, sinsakna vapiak ahieh leh kasem thei kei ding na chi maithei. Himahleh missions nasepna igahsuah taktak na ding in akuan bang, athum pawl bang, a thohpawl bang i om poimoh ahi. I septheihna lam chiat a isep ding Krist in hondeihna ahi. Saptuam te'n missions nasepna i hah bawl zoh peuh leh Pathian deihlam semkha, Amah projecta pangkha isuak. Huchibang a nsem saptuam tuh khalam a masawn in khanghat mahmah ahi chih thudik ahi. Missions' nasep zaw aman tam mah, tha leh zung tampi senna ahi, kipahman leng thupi zel hiven maw.

Ahitak a gen in tunung ding enlou a, tuhun lel kia en a khosate' adin missions nasepna a lunglut taktak haksah mah ding hi. Pathian in "sikha ginom leh muanhuai, hihhoih chia" achih lamem leh Krist honsawl ahi chih theite adin thanop huai lua leh lunglut louh theih vual ahi kei. Huaiziakin simtute missions nasepna ah kuapeuh ipantheihna om chiat ahi, tehkhithna in Missionary te leh khamang-thangte adia i THUM Chiang in, GINNATHUCHIAM ipiak Chiang in, MISSIONS BOX a sum ikhiak Chiang in missions nasem leh missionary vak i hi chih kithei in Pathian project sepsuahna ah

suka, Lamka nitak dak 10: 10 in kitung hi. Lampi ah nih leh thum gari khamsia om mahleh damtak in Pathian in inlum chiat hon tungsak hi. Tutung hichi bang MISSION TOUR programme isaptuam khangthu a om ngeinailou a theih a om patna ahia, om nawn hun ding leng gen phak ahieh louh man in ahoihna leh thupina hon musak Pathian min phat in om henla, gim-leh-tawl khawksa lou a Coordinator (Missions) te inkuan zui a kalsuan Rayburn PYFte Krist in amah thupina ding leh saptuam khantouh na ding in zang zel hen.

### Mission Tour sung a Chiamteh tuak khenkhatte:

1. Saptuam veh a kuante Biakin sung lutmasa pen in kava pang uh. Hiai Mission Tour programme ah Vaidawna, patna thumna, local PMF report, thohlawn latna leh hunkhakna chihlouw adang teng

saptuam veh a kuan te'n kava lavek ua, Biakna hun teng in solo leh Lapawl atawm pen in Lii kisa gige hi. Pathian Kha Siangthou in hon pawl in, nuamsa tak leh taitak in kikhelah kawmpipi in ka kikhen zel uh.

2. Debate thupi tak om: - **Kiginni zan dak 12: 30 lak a ham pen:** Chingpi, Zawng, Ngia/sihal chite kal ah. **Thukhitna – Mihing & Sikha hilou. Maukot a sameh :** Ngalsa, hilou Bangsa, hilou Voksa. **Thukhitna – Sahoo.**

Hiai Mission Tour in Saptuam sung a khalam leh salam a Khanna hontut leh Missions nasepna hon hatsak sem ka lam-en hi. Saptuam veh a omte hiai tour programme toh kisai a na senate uh Pathian in a leh tampi in hon vuk hen.

Ka kpipak e. Krist leh a Lalgam adia naseppih uh.

-Rev. M. Khamlianmang  
Coordinator (Missions)

## KIPAHTHU GENNA

Thanlon PYF in hun sawtpi akipan ka poimoh uh Guiter, Rev. Khen P. Tombing, Chief Coordinator in ahon piak manin amah leh PCI Head Office a aseppihte tung ah PCI Messenger tungtawn in kipahtu ka gen uhi. Toupa'n tamsem pia in vualzawl zel hen.

- T. Lianlunthang  
Chairman PYF, Thanlon

Biakin ah kana om ua, mipi hong kimsimtak in programme kipan, heutupa Sanga Khuptong makaih in phatna laa nuamtak a sa-in Biakna nuamtak in kinei ziahziah mai hi.

Biakin kai tawp Zan hong hi a Coordinatorte inkuan leh numeite Maukot lam a giak in pasal te C. Tuiveljang lam ah giak, nitak hong sawtsim zak ngeilouhpi za atamzaw ka hih man un, leh window(kongkhak) honsa om khat a omkhak ziak in ihmu theilou a houlim a khovak pawl ka om uhi. Zingkal a kaki dawl tuah ua leh Chingpi (Rhinoceros) chipawl, athei zaw deuh ten Zawng(monkey) leh athei zaw deuh lai ten Sihal/ Ngia(Jackal/Fox) leh kong kihong pen akikhak khalou (hong kihong tawm hilou) chi in ka khin uh. Zingkal in Maukot apan C.Tuiveljang lam zuan in kapai ua bahsia omlou in ka tung pah uhi. Zing-an C.Tuiveljang Biakin mun ah hon nek pih ua, gilmul vang zen a ann ne-in kikhopna dak 10:00 in ka pan ua, dak 12 bang honpel hial himahleh tawp ding ngaingamlou leh hunsa nailou ngen in biakna khak in om hi. Biakna zoh in Maukot leh C. Tuiveljang PMF committee

member te toh maban a panlak ding dan leh na sep dante kikap khawmna manpha tak ka zang uhi. Nitak lam dak 2:00pm in Singngat lam zuan ka paitou ua dak 3:00 gin madeuh in ka tung tou ua, saptuam Upate leh Pastorte inkuan in aw khum tak leh nemtak in honna vaidawn ua, nitak lam Biakin mun mah a Officer Mess hon nek pih ua, kitai mah mah hi. Nitak kikhop na kon pantaktak uh, vaidawnna Elder M. Vungzapau in hon neih leh Kha Siangthou adouble a ka lak ua hongteng a muhtheih a hong om bang mai in, kikhop nuam himai, thugentu Coordinatorpa mittui pawt nuam ding khop hial in thu hon gena, saupi genlou in ahun geih in hong tawp.Kikhop tawp in hon gen sau zeklai lechin chi souhsouh mai uhi. Hiai nitak Lapawl guk(6) tak sak khiak ahi. Tawp in saptuam mipi deihna bang in Elder palian Khupdoulia in mikhualte kong ading a khotual ten chibai bukvek ding chia a hon puan dungzui in mangpha kikhakna chibai kakibuk ua, avavehte leng ka kichibai tuah kha vengvung mai uhi.

Nitak biakna zoh in Lamka lam zuan in Bus ah kipai

kuhkal tak in pang zomjel ni, i sepgimna uh athawn ahi kei ding. Krist in amah kiang i tun Chiang in kon thupiak bang nachih a, ngai poimoh maw? Bangchibang in, bangzah in na panga, bangzahta in na tawlpih/gimpih a, na suploh hia,

gal-etmai maw? Chih toh kibang simsim dotna hon dongleh bang chi na dong dia, i dawnna ding tu i dam lai a nasep ding Krist hon thupiak ahi.

Simtute Toupa'n hon vualjawl hen. Missionary Day zatnuam.

## SUUNNA



Oinam Nokul Singh

Shri. O. Nokul Singh kum 90 of Nungshiba Presbyterian Church, Ningthoukhong, apaisa April 09, 2014 (Nilaini) zinglam dak 10 in thupina gam a tawldam ding in Pathian in ana lata, amah luang Saptuam mipi a theipha liai teng kikaikhawm in Rayburn College Bus leh pick-up truck dim a kuan in aluang Nokulkhonou a saptuam gam a Pastor Kumarjit tungtawn in vuiliam in om hi. Saptuam in i suun mahmah ua, ainkuan leh Meitei Field a saptuamte ithuakpih thu inews tungtawn in itaklang hi. Amah ahih leh Ningthoukhong(ama a Nokulkhonou) amah min tam khua a i saptuam pankhetu leng ana hi. Hichibang mimanpha i missions field in i suun poisa mahmah in saptuam mipi-te kiang ah Mission Field naksem a thumpih ding in Krist min in ikingen uhi. Toupa'n mission field taisanlou in naksem in hon vualjawl hen.

Coordinator(Missions)

## NA BUAINA LEH HAKSATNATE BANG NA CHI MAITUAH A?

-Eld. T. Khupzadou

I Kristian hinkhua ah i dinmun toh kizui in haksatna leh buaina alian bang, a neu bang tuaklou i om kei ding uh chih ka gingta hi. A tuak kha ngeilou i om jen-jen leh bel thulamdingpi khat hi ding hi. Bangziakin? Laisiangthou in Toupa'n a itte a sawi nak a, Ta akipahpihte vaw nak ahi, sawi louh ta tuh sawnta hi ding ahi a chi hi (Heb. 12:6-8) Pathian' ta diktak, piangthak diktak hiloute tuh sawnta (zawlta) toh teh ahi uh. Piangthak diktakte tuh i hinsung un, mimal, insung leh gamsung ah haksatna leh mangbatna thuak ngei ding i hi uh chih Bible in hon hilh hi.

Ahiehleh lawm aw nang na buainate bang na chi dou a? Bangchibang in huai buaina ah pan na la a le? Pempelh tei-tei na sawm hia? or Na thuak thoh suk mai hia? or Thuakzoulou in buaisiatna leh thakiakna in na neih loh hiam? Anuai a mi khenkhatte'n haksatna a tuah Chiang ua pan a lakdante ua pan tamlou houlimkhawm leng ut huai kasa hi.

### 01. Pastor khat haksatna maituah dan:

Lamka khopi a pat suahlam pang km 46 vel a gamla a khua khat ah Pastor khat tanu a zawlga laizang hi. Ngoh ding tuam theilou in mi 2 kihelkha dan ahi. Tua mi nihte a kinolh

tuah uhi. A tawp in pastorpa' tanu zawlga nu'n tua tangval nihte lak a a-ngaih zawk pen khat hon manta hi. Palai a kha pah ngal ua, athu hausa inpi ah hon genta uhi. Huaitakin, tua Pastor pan hichi in hon genta hi. *"Tuni in ka pastor puanak ka suahkhiak a ngaita, Pastor dan in honna en kei un, i customary law dan tak in vai ka hawm ding hi"* chi in hong kitom zak gawp hi. Huchi'n, matkhak a ompa tangvalpa tuh nasatakin agam ua, himahleh tua tangvalpa'n ata pen a la-nuam kei hi. Hun hongpai tou jel et in hiai insung ah lohchinna sang in buaina ngen leh lohsapna ngen pumdin tou hi in ka thei chi in ka lawmte Elder khat in hon hilh hi. I

Kouleng I saptuam leh I gam in chidamna aneih semsem nadingin hih theih khomkhom in konna thumpih zelzel uhi. Navek un Toupan hon ompih in hon vualjawl chiat ta hen aw.

Toupa gam adia naseppih itt uh:

Unaupa Chinsuanmang & family  
Siemreap, Cambodia

### MISSION TOUR REPORT TOMKIM

Missions nasepna I Saptuam sunga ahatssem na dinga pan ilakkhawm theih nang uh ngimna in leh saptuam te toh Pathian thu leh laa a kithuah khawmding lunggulhna in saptuam vehna "MISSION TOUR" programme aki bawl a, amasa pen hiai bang a neih ahi.

March 29, 2014 zinglam dak 10: 30 in Head Office kong ah Coordinator (Missions) te inkuan, Maukot leh Tuivel Upate khat tuak leh Rayburn PYF Choir member 32 te Maukot lamzuan in Rayburn College Bus a kipat khiak ahi. MP Election ding kuan ahieh man in Muallum a sepahte a na strict mahmah ua, himahleh Chief Coordinator leh heutupa Langkhanpau Guite (GA Moderator) Chairman ADCC te lai hon gelhsak aki tawi man in thoveng tak in kipai suak thei pah hi. Amaute tung a kipathu igen ngal hi henla.

Maukot sunnung dak 2 : 00 pm in ka tung ua, Maukot-Tuivel te swimming pool Tuulsut Lii a ka kituah lut siak ua abuai pawl leh mii buaisiat phawklou pawl toh ka phevengvung ua, Pathian hehpihna ziak in kuamah tuisung a om den omsamlou in nitak lam Maukot saptuam te hon vaitunna Sa(meat) limtak gilmul vang zen in kane chiat uh. Khua hong mial kuan in saptuam vaha vakuan te Biakin a lasak dingte enkhawm in mipi hong kuan ma in

Tarik khat in(1<sup>st</sup> Feb.) in ka E-visa uh kumkhat ading in kana susau thei nonta uh. Tuin ka thum un Cambodia a kumkhat omtheih nang visa neichiat nonta kahih man un puakgik azang deuhataa. . .kipah huai petmah hi. Toupa deihdan a na isep zom theih nading un leh kul leh poimohte piaka I om zelzel nad ingin honna thumpih nawn dingin kon ngen hi. “Honsam lechin, ka hondawng ding, thil thupi leh thil kisel na theih ngeilouh kahon ensak ding”. Jeremia 33: 3. Na thumnate ua nonna phok sak ding un, anuai ah Kipathugenna leh Thumna a phok ding kon taklang:

**Kipathu gen nang:**

- Tuni tan Toupa gam nasepna aki sutzop theih zelzel ziakin.
- Hanna Niangngaih adi E-visa akimuh thiehta a, a visa leng kum khat ading aki suksau thieh tak ziakin. Cambodia a Pathian gam nasep theih nang kumkhat piaka akiom nontak manin.
- Tuni tan Pathian ompihna leh makaih nate banah kul leh poimawhte piaka akiom zelzel ziakin.
- I Church memberte uh thil tuamtuam a buaina ziaka Biakin nasan leng hong kai gina manlou te adingin.
- Innkuan puksete tunding ahih nawn nading un. Cambodia a innkuan kisia tamtak om uhi. Nupa kikhen ziaka enkol tuding omlou chih bang am mahmah uh. Nupa kikhen ten atate uh anute (pitek)te etkol dingin anuse sek ua, huai nuteekte nek leh tak jong zou nonlou te ahih man un puak gik lianpi vaguan asuak sek uh.
- Cambodia gama lemna leh muanna aom zom zelzel nadingin leh ki-itna leh ki ngaihdam tuah theihna aneih chiat nading un.
- Vuahtui ahun taka hong zuka agam in gah hoihtak ahon suan theihna ding in
- I school naupangte leh anu leh pate un lekha zil a pomoh dan hon thieh ua, lunglut taka naupangte ahong hoih kai zelzel nading un.
- Hanna Niangngaih(katanu) gam lum toh hong kingeih nadingin leh hoih taka hong khan a Pathian deih dana kon etkol theih nading un.
- I nasepna ua gingtu omte aginna uh sukhat aom sem nadingun leh Pathian apan thathak ahon ngah nading un.
- I seppihte leh kou innkuan in khalam leh salam a damna kahon neih semsem nading un.

Laisiangthou hon hilh dan tak in tuh i melmate it ding, a gil uh akial a, a dang uh atak leh nek/ dawn ding piak ding, mi'n i ngeiphe hon betsak leh alang lam leng doh ding ahihdan kichiantakin i mu un i thei uhi.

**02. Upa khat in haksatna amaituah dan:**

I gamsung ua upa khat, upa lak a leng a tallang mahmah leh ki khami sak mahmah hizaw mah khat' insung ah thil deihuai hetlou thil tung aom hi. Tapa thum leh numei nih a nei hi. Atapa heh lua in, a nungak ngaihnu toh a oklum mawk uhi. Atapa nih omlaite zu-leh-sa, khamtheih ah kibual in a insung uh tuh gulpi leh sahangte kisualna mah bangin aom hi. Atanute lak a khat zawlgai zawmah, khat pen in Kol-leh-vaite khat pasal a nei, a omna mun ngial tak uh leng theih in aom kei hi. Hiai upapa tuh amel leng et ngam ahikei a, maimialsa ngen a om in, lawm-leh-vual leng khawl ngam lou in aom a, biakin tak ngial leng kai ngam lou in hun bangtan hiam aomta hi. Khatvei tuh Pastor senior khat ava hoh a, huai upapa'n a insung haksatdan im zoulou in ana hilhvekta hi.

Senior Pastor in hiai Bible thute sim in hoihtak in a hilh ngiatngiatta hi. Abraham' insung buaina thu (Genesis 21:6-21) Jacob' insung buaina leh kimuhdahna thu (Genesis 37:12-36) David' khelhna ziak a a insung a gal apian thu (2Samuel 11) banah Ezekiel bung 18-na a Pa' mohpuakna leh Tapa mohpuakna thu tuamtuam hilh hi. Huchi'n hiai upapa tuh hong kapkhia in, *“Toupa aw hon ngaidam in, kei ka hi, kei ka hi amoh, bang dia ka hinna hawi lain a hiam? Ka tapa damsak zaw lou a, kei non damsak mawk bang hon sinsak sawm na hiam?”* chi in kapzakta hi. Huchi'n upapa'n a mohnate akipuan nung in amah ngaihdan hong thoveng in, alungsim hong zangkhaite a, asia teng sekhinta mahleh Toupa'n amah nasem dingin kum tampi a zang lai a, agah suah hoih mahmah hi. Akidiksak lai in Pathian gawtna (sawina) a tung nilouh a, ahong kimohsak takin Pathian in amah leh a insung a sudamta hi. Job leng a kidiksak mahmah lai in meima in a tuam den a, Pathian kiang a ngaihdam a nget tak in ameima hong dam in, a insung a hong pallun nawn hi. David leng kisik a saiiip puan silh a

Pathian ngaihdamna hon nget nung in Pathian in tualthat tuh sihna mah a phuba lak ding hinapi a si sak kei a, atapate tung ah phuba a la a, amah tuh adamsak a, akipuanna leh ala bawl/laphuahte tunitan in kristiante hinna vaktu in apang denta hi.

### 03. Rev. Paul Yangsui nung tolhna:

Korea gam a Rev. Paul Yangsui kichi testimony hiai bang ahi.

01. Azi in uiretsan
02. A saptuam ua a heutura utoh kituaklou, amah thugen phot aheutura un pompoh ngeilou
03. Mi a panpih khakten amah minphatna penuam ngeilou uh
04. Amohna om hetloupi a nihvei suangkul lut
05. Amohna hi hetloupi a thumvei tak liauna tuak
06. A beh a phungte toh kituak theilou
07. A zi in a uiretsan nung in zithak khat nei nawn
08. Ata masate leh azi thak kituak theilou in a ta masate toh ki inkhen uh
09. Amah biakin kai tak ngial leng peih nawn lou in Pastor ahihna tawp sak in om. Hiai

bangte ziakin gentheihna liantak tuak hi.

Tuabang teng haksatna a tuah nungin khatvei Biloy Graham chialpina khat ah va kihel kha a, huai apan hong khanglou in halhthakna nasetak hon neita hi. Huchi'n hiai bangin a testimony hon gen beh nawn hi.

01. Ka tangval lai in communist volunteer in kana pangkha a, gitlouna sangtak kana bawl kha hi.

02. Ka hong pian thak takin Bible ka zir a Bible graduate ka hih zoh in Pastor ordain ka tang hi.

03. Communist ideology khat kanuse thei kei a, ka ngaihsutna tangtak khat ka paipih get-gut ziakin ka zi, ka tate leh ka saptuam makaite toh kal ah gap nasatak a hong om a, a back (nungkin) dan ka theih louh manin kei tung leh ka insung ah siatna thupitak hong tung in, nungtolhna liantak ka tuakkha hi. Billy Graham in Bible chang hon piakte ka sismthak nawn vek a, huai ah Pathian hon houpihnate hiaite ahi uh:

01. Pathian in hon sawi ahi chih ka ki muchian hi (Heb.12:14; I Thes. 4:3-8)

## CAMBODIA AKIPAN LAIKHAK

Cambodia gam panin navek un itna chibai !

Amasa in tukum 2014 April kha tan hon musak I biak Pathian min thupi I phat hi. Kuapeuh dama nasepna/zilna maban chiat uh sunzom thei hiding in kon gingta ua, lungdam huai mahmah. Kou leng noute thumpihna leh sum leh pai a non panpih nazar un dama om in Cambodia gama Toupa gam nasepna ka sunzom thei zelzel uhi. Tulai agam suangah leng buaina neuhneuh omsek mahleh buai siatna omlou in agam Solkar in khantouhna nasep leh gam tuamtuam toh kizopna pi bawl hi. Pathian gam nasemtu ding leng tam sem Toupan ahon pilut zelzela, agam sung mun tuamtuam ah na akisem chiat hi. Kholum gam ahih dung zuiin tulai bang vuah zuklouh toh agam akeu a, alum mahmah hi.

School leh house church tungtawna kho tuamtuam I nasep nate uh leng pai hoih zelzel chih ding ahi. Cambodia mite (Khmer) laka I nasepna tungtawna Pathian in gingtu ahon piakte tuni tana ginom taka Biakna te limsaka aom napeuh ua gingtu muan huaite ziakin inasepna uh a lunglut huai in a awlmoh huai semsem a bang hi. Amaute gingtu muan huai chauh hiloua THEIHPIHTU muan huai ahong suah theih chiat nading un leng tatsat lou a honna thumpih zelzel dingin kon ngen hi. Toupa gam nasepna ah ahaksat hun leh lungkiat hunte om sek mahleh kipah hun leng omzel hi. I nasepna khua te uh, adiakin, **Khna Thmey** banga khosa haksa pipi leh innkuan kisia(broken family) atam mahmah uhi. Himahleh, amaute laka Toupan lam tuamtuam ah nasem in ahoupih zelzel hi. Amaute toh Ningani (Thursday) teng in biakna ava kineih pih chiangin Testimony ngaihnap leh lung khoih taktak; lamdang leh kipah huaitak zak ding omsek hi.

Tukum February kha in ka tanu uh Hanna Niangngaih Cambodia a om theih nading leh Cambodia a alut leh pawt theih nading, Cambodian embassy Ho Chi Minh city (Vietnam) a kava sai uleh haksat luatna omlou in E-visa kava muthei uhi. Khalui (March) in a visa kumkhat(1yr.) ading ka extend theita uhi. Huan kei leh Vung(kazi) a ahihleh tukum February

omzia a dinmun tak a lawngkha hinkhua pen i neih chiat uh poimoh hi. Pathian sapna taktak hinkhua pen huai bang hinkhua ahing ding ahi. Jesu'n a nungzuite a sawlkhia lai in puansilh thuah a pawlou ding in ahilh a, ginna a kalsuan didan a sinsak hi. Kare! sum nei-nei i delh noinoi utoh kikhia e. A saptuam buaipih sang mah a SUM buaipih i batna uh om hive aw..eilawi!! Pathian tellou saptuam awlmohna hi ei ka gen.

Mother Terisa a sih in, bartin khat, saree (puansilh) leh Silipal (khedap) khat lel khawng nei chi uhi. America President 16-na, America gam itna taktak toh ana keem, Abraham Lincoln in leng a sih in gou chih tham nei lou hi.

Mahatma Gandhi leh Missionary minthang tamtake a sih nung un a gou uh etlah di tham omlou ngenta ahi sim uh. Huaimah bangin, Jesu nung ana zuite leng ahi ua, Paul leng ahi bok. Inn leh gam leitang chih na-tawm nei lou in a si hi. Huaiziakin, bang sapna tang ka hia chih i kisutkik chiat ding un hoih hi. Sum deihtakna a Pathian' nna sem maw? Itna tak toh? Sum in banghiam Chiang ahon liahkhua a, himahleh Pathian' sap mi taktak zaw a life style uah daw mai hi. Ahihleh, nang Pathian in ahon sam taktak peuhset a hia?

**A sitna:** Ki imlou ding, zuau gen lou ding, i hihna bangbang a om lel ding, sapna tangloupi tang dan a om lou ding... hileh Pastor la dik thei pan di i hi uh.

## UPA & LEADERSHIP TRAINING 2014

Biblical Leadership Training & Upa Training 2014, April 15-24, 2014 sung Conference Hall a neih a om pen lohchingtak a zoh in om. Hiai hun in mi 73 tel a, Upa 46 in exam uhi. Hiai training hun ah sinsaktu in:

01. Will Hesterberg, ITEM, USA
02. Rev. Khen P. Tombing
03. Rev. Chin Thiansong
04. Rev. Khamlianmang
05. Rev. G. Suanzalam

Toupa kiang ah kipathu genni.

- Rev. G. Suanzalam  
Coordinator (Institution)

02. Sa a ka thilhih dikloute guun ka muh ding mah ahi, Pathian seh ahimanin (Gal 6:8)

03. Pathian in hiai haksatnate hon thuaksak kei adia ahohi zaw ahi (Heb. 12:5-11; Rom 8:28)

04. Khamitna tasam kana hi maimah hi (Rom 8:4-11; Gal 5:22-23; 2 Sam 16:9-14)

05. Ken haksatna ka thuak chiangin pumpel sawm in ka taisia a, himahleh ka Toupa, Hontanpa tuh a taise kei a, athuak mualsuah tei-tei hi (Luk 22:39-45)

06. Kris nungzuihna ah heutu khat kana hihna pen kana zangkhial kha a, athupai hih ding, apil hih ding kana tum kha a, huai in mi toh honna kilemsak lou ahi maimah (I Cor 15:19)

07. Kris nung zuihna ah kei minphatna ding leh gilvahna ding lam kia leh kei' punna ding kia ana zong nilouh kana

himaimah hi (Rom 16:18; Phil 3:19; 2 Kor 2:17)

08. Kristian nungzui diktak ka hihna ah atawp tan a gentheihna, minsiatna leh nuaisiahna thuak a poimoh leh leng a thuak mualsuah ding ka hihdan kana thei kei a, Pathian vualzawlana lam kia kana mitsuan den kha laizang hi (Luk 16:19-31; Nasepte 14:21-23; 2 Kor 4:17; Luk 9:57-62; Mark 8:34-38)

09. Ka hinkhua a nungtolhna nei a haksatna tampi kana thuak pen kei a dia Pathian toh kinaihna, Pathian lampite ka zuih ding Toupa'n hon deihna ahizaw chih ka mukhia hi (Sam 19:67,70; Johan 21:15-19)

Hiai atung a thute laibu tampite ka simna apan kon kaihkhawm ahi a, simtute a dia manpha tak leh khalam kalsuanna leh tha hon petu ahing theihna dingin Toupa'n simtute tengteng hon vualzawlta hen aw.



## CROSS A

### JESU THUGEN SAGIHTE

~TK Shyam Valte

PCI Messenger simtute tengteng I Toupa Jesus Khrist min in chibai aw. Palm Sunday, Good Friday leh Easter Sunday te lohching tak a izat zoh ngei uh kalam en a, Pasian apan vualzawl na hiai ni thupite a, na muh ngei uh leng kalam en hi. Tuni in Jesu Cross a, a kilhden ua, a kam mal nanung sahgihte genkhawm leng ka chi hi.

Mikhat peuhpeuh a sih dek chiang in, a sih ma a, athugen ahihkeileh a sihma a hon vaikhak chihthu I ngaih poimohte uh lak a khat hi diing in ka gingta hi. Ei christiante a din'n leng, I sahkua laibu in sihkuan a vaikhahna thutam lou ana gen hi. Bible in tam genkei mah leh, I thupi a I lutma in, Bible a akigennate tamlou enkhawm masa leng kachi hi. Jacob a sihkuan in a tate kiang ah, tunung a thil hong omdite a hilh hi (Genesis 49:1-33). Mosi in a sihma in Israel Namte tung ah vualzawl na thute a gen hi (Diuteronomi 33:1-34). Thukhunthak a Martyr a si masapen, Stephen in a sihma, a thugen leng a muhtheih hi (Nasepte 7:2-56). Hichi mah bang in, Jesu leng a sihma in Cross ah, a thugen tuamtuate genkhawm leng I chi ahi.

#### 1. Jesun'n Pa, amau ngaidam in: a thilhih uh athei kei ua ahi," achi hi (Luke 23:34)

Jesu Cross a khaikang a om a, leitung pumpi a pulpit saang penpen leh haksa penpen a thugen nanung pen ana neita hi. A thugen ngaikhiate, siampu liante, sepaiah heutute, laigelh mite, lampi a paite, gutate leh numeite ahi uhi. Jesu Cross a

kilh dentute'n, Cross a kilh den a om zoh a, Jesu mangbang leh kha sia tak a, ah kah ging leh kikou aw azak ngei uh kalam en hi, tua bang mah in, Cross a kilh lup a omten, nasa lua mahmah uh, ahihchiang in, a kilhtute a hamsiat kha zel uhi (Tua bel Cross a kilhlup a omte ngeina ahi hi). Huchia kilhlumtute'n a hamsiatna kammal uh, a zak nuam louh ziak un, khen khat

athuak chiangun lungkia in taisai uhi. Haksatna lam kia leng ahikei, nopsakna lam ah leng Pathian taisan a khelhna khuk a lut theih ahi. Mi' hon gintak na dia Pathian sapna dan deuh, akim khat dik khawng phuaktawm zok, i phuhtawm pen i gen mun luat chia ei mah in gingta.. ataktak dan a gen touh mai ngai.... Huai bang a mahni kipumpiaknate'n sawt daih lou hial hi.

Himahleh, Pathian in a sap taktak mite bel, haksatna hunte ah hi in, lunglelh huai mahmah hunte ah leng lunglel lou phetlou, dingkip in pang tei-tei uhi. Pathian in ahon sam chih theihchetna taktak ei a aom ding ahi. Mi' kiang a gensiam thu hilou in, ei a Kris' sapna ziak a kipahna toh kal suankhiakna ahi ka gen. Loh muh leh muh louh thu hitalou in, ahon sawlpa (ahon sampa) nna kilawptak a sepna hinkhua taktak i neih ding uh ahi zaw. Pathian nasemtu taktak tuh khovel sum leh pai ah hausa leh nuamsa takin aom kei zaw a, khalam a hausa in Toupa ah a kinga zaw hi. Missionary thupi leh Pathian mi zat thupite'n a sih chiangun khovel ah gou gen tham

bangmah a nei ngei kei uh. Eilawi in gou i hauh theih-theih mai zen uh toh, kikhiak in om e!! Khalam sang a le huai leitung gou buaipih a kibuai naih-naih lai zawmah.

Life Word-te tungtawn a Missionary a va kuan, Mr. Thangboi in chawmtu ding mi aom louh hun a le seem thou-thou ahihdan agen ban ah, sum 20/- a poimoh ziak a Pathian kiang a huaizah geih a nget, lamdangtak a piak a aom dan ahon hilh in ka lungsim khoih mahmah hi. Dotna ka bawl na ah "Nang loh bei a va sep chih mawk haksa lou hia, neek di koi ah?" chi in ka dong hi. Ahon dawnna tuh "Pathian in neek di hon pe mai ding ahi, tasam a i om hun chiang a Toupa i nget a, i ngetna dungzui a Pathian apan banglam hiam a panpihna i muh pen GINNA experience (Pathian tuh muanhuai taktak ahi chih chetna) ahi" chih ahi. Muangtop himai, amuan bang ua bangchi dan hiam a nek di hong om thei zeel, huai ginna taktak hinkhua chiamkha ahimai uhi. Sum 20 lel le Pathian kiang a apoimoh dungzui a nget ngai, Pathian in pe ta-tak. Huai ginna experience kha, ginna kichi

deihsak pah di ka hihmanin pastor la-tu dia chin hetlou ka hive. Pastor dia i lak nung a leh buaipih ek, a latute bang a moh teng khuk sak dia chu interview board a tel khak louh mah hamphat huai mate!!

Kua'n, huai interview hun lel in mi' mizia diktak a thei khe zou mah dia? Mahni hoih louhna teng selmang a dakkal kim khat lel khawng Khami lua hidan a lemchin chih khawng haksa hiloupi. Pastor latu-te hilou in, pastor dia interview, mahni hihna sang a hoih zaw a om zual, angel suty bangmai a lem ching, sapna tang loupi khitui kai zen a Pathian' sapna tang dan a ki gen tute ahi iplah huai.

Awle Pathian thu taktak ah lutni le,- Mi khat in Jesu kiang a "Na nung hon zui sak in" ava chih leh Jesu'n "vasa ten bu a nei ua, sihal ten kua a nei uh, himahleh mihingtapa'n lu ngakna ding a nei kei" chih san hi. Tangval hausa in khantawn hinna a neihna dia bang hih ding hiam chih a dot leh Jesu'n "Mihausa vangam lut sangin Sangawngsau phim bil a alut ding a baihlamzaw" chi zeel hi. Alehlah ah, Jesu'n nungzuite a

sap lai in "Ka sanggampa si ka va vui phot zual aw" a chih chiang un, Jesu'n "Amau ana kivui uheh, tun hon zui mai in" chi tentun zeel hi. Khenkhat in a nu-leh-pa kampha a va khakkhiak phot a sawm hang un "tun hon zui in" chi pun-pun zeel hi. Sawltak Paul, vak a sal in sam a, Mosi bangchu ut hetlou, kisit mahmah himahleh sam tei-tei zeel. Jona keuhkouh le taimang zomah, Pathian in sam tei-tei.

Pathian' sapna kichi i theihchet uh poimoh ka sa mahmah hi. Nang va ki pawng piak in Pathian gam ah omzia a nei kei, a ziak ahihleh, na lunglutna a bei chiang a lunglel demdum maimah ding na hihmanin. Tua ka thugen tuh hotdamna ah leng a dik hi. Nasep hat ziak, pil ziak leh mihing hahpanthu in hotdamna i tang zou ngei kei uh, himahleh Pathian' hehpihna ziak liau-liau a hotdamna mu ihi uh (Ephesate simin). Huai bang geih in, loh muhna ding ngimna lel toh Pastor hiam, Missionary hiam ding a va kipumpiak khempeuh pen "Calling" diktak tellou in bangmah ahikei. Amau utthu a Pathian nasem dia kipia ten loh a hoih louh a, haksa

Cross a akilh ma un, alei (Tongue) tan sak zel uhi. Jesu Cross a kilhbelhte'n bangchik chiang in, Eite honsam siat dia, chi a angaklai un, amau gintak louh lam tak ah, Jesun ah mah Kilhlumtute adi'n ngaihdam ngetsak hi.

Hiai apan bang I mu thei hiam I chihleh, Jesun melmate adia'n thum gige theina leh itna lungtang taktak nei ahihdan I mu thei a, amah thuak gimna sang in, mikhial khat manthat ding alau zaw hi. Unaute, na melmate'n hon umkim vel lai un, bangchin na dawng a, Pasion kiang lam or khemzoh in na om maimah hia, I Toupa Jesun zaw, amah that tute na ngawn, adia thumsak tel eive maw, Unaute I zuih Toupa a di'n, Kivel thak ni.

## 2. Jesu'n a kiang ah, "Thutak ka honhilh ahi, tu ni in ka kiang ah Paradise ah na om diing" achi hi. (Luke 23:43)

Jesu Khrist Cross a kilhlup a omlai in, migilou nih leng a, kiang ah kilhlup in awm uhi. Migilou khat in simmoh tak in Jesu a enghou a, "Khrist na hi ka hia? Kidamsak inla, kou leng hon hihdam tan la!" achi hi (Luke 23:39). Himahleh migilou khat pen in, Jesu Cross a amah

kilhlumtute a dia thum a muh in, a hinkhua a kikhek dimdem hi. A lompa kiah, "Nang Pasion leng laulou lai maw? Ei zaw gawt taak him I hi: I thilhih man mu I hi ngal a; aman bel bangmah ahihkhial kei hi," achi hi (Luke 23:40-41). Migilou khat pen in, Haksa sa mahmah kawm a Jesu kiang lam en in, Jesu, na lalgam na tun chiang in hontheigige in aw," achi hi. (Luke 23: 43).

Hiai apan point thum enkhawm leng kachi hi. **Khatna ah,** migilou khat pa'n "Jesu nagam na tunchiang in honthei gige in aw," achi hi (Luke 23:42). Jusu'n hiai migiloute kiang ah, Pasion thuhilh khalou hi. Himahleh Jesu' amah khai lumtute adia ngaihdam/ thum na a, a ngetsak ziaikin, migilou khatpa hinkhua kikhekna tun in, Pasion theihloh hi. Unaute, Na thumna ziak a, Mi hinkhua kikhek thei ahi chihthei in, Na thum chiang in pilvang mahmah in, sanggam NANG bang chinna thum zel a? Na thum naa in mi dang hinkhua abawl hoih thei diam? Ahihkei leh na thumna in midang lungtang ana sak velvul diam? I thum dante, kivel thak

ni, Pasion pomtak thumna a poi moh mahmah hi. **Nihna ah**, Migilou khatpa bang a Pasion ngaihdam na/ ngaihdam honngget sak na thu I zak nung a, Pasion bel nuam lou I hihleh, Jesu Khrist nang-leh-kei tan dia, hongsihna, thohkhiakna, pha tuamlou diing a, Nang-leh-kei a di'n, hiai khovel ah, ana piang khalou hileng kihampha zaw lai diing hi. **Thumna ah**, hichi bang haksatna Jesun a tuah lai na ngawn in, migiloute a diing in, Pasion kiang ah NGAIH DAMNA honna ngetsak lai hi. Unaute, mi tengteng kisi vek diing hi, himahleh khelhna kisiklou a, I sihhak diing uh lau huai kasa hi. Mikhial kahi chih kiphok a, migilou khatpa bang a, Pasain bel diing in, I kichial thakthak ahi. Tua ding in Toupa'n NANG honsam hi. Unaute na manta uh hiam?

**3. Jesu'n a nu leh nungjui a- itpa a kiang a diing amuh in, a Nu kiang ah, "Numei, En in, Na tapa! Huai khit in nungjui kiang ah, "En in, na tapa!" achi hi. (Johan 19:26-27)**

Jesu'n thugen apat masak penpen in, mikhialte ngaidamna diing thu, ana gen masa hi (Matthai 3:2; 4:17). A nihna

diing in, mikhial khat in, Jesu kiang ah, ngaihdam hong ngen hi. A thum na, tua I muh uh, Jesu'n a innsung mi adiak in anu a itdan I muthei uhi. Cross a Jesu thugen thumna, Nu-leh-tate ki ITNA leng a chihtheih diing hi. Jesu Khrist mu peihlou numei leh Pasal tampi om mah leh, Jesu Khrist IT mahmah numei li (4) leh a nungzuite lak ah, Cross tan pha a, ana zui tawntung mikhat kia a om hi.

Jesun bangchi bang haksatna ana tuak mah leh, a innkuante a poimoh ngaihdan I muthei hi. Jesun a hinkhua beitan pha in, midangte a diing in, ana pang teitei hi. Sanggamte, haksatna I tuah hun in, midangte thuakna/ haksatna tuah diing I ngaih tuah kha ngei uh hia? Ahihkei leh midangte ngaihtuah saang a, Ei a di kia ngaihtuah kha I hi khazaw di uam? Ngaihtuah thak ni, Jesu Khrist bang a, midangte a dia hing diing in, Nang-leh-kei Toupa'n hon deih hi.

Jesun anu kia, "Numei en in, Na tapa" achi hi. A nungzuite lak a, ahun nanung pentan hong mu, John kiang ah, "En in, na Nu" a chi hi (Johan 19:26-27). Jesun haksatna a tuah hun in leng, mihing te'n haksatna I tuah diing

## PATHIAN IN A HON SAM TAKTAK PEUHSET A HIA?

-V. Nunlian

Hun teng a dal (havai) meh chih gige tel, kham huai (luaksuah huai) maimah thei chih ziakin lai (article) gelh louh hun om sak zeel ding ka chih sim leh zanlam zek a ka suahsa pen tu khamasa in ahon suah sak kiik thou-thou ua, ka muh in ka kiguih hial hi. PCI Messenger saitute'n ka article a ngaihnat ziakun kipak mahleung huai PULPIT thu pen "**ankhing**" hita ahihmanin neek di aom diam? Chih ka ngaihtuah khat hizaw hi. A kisuah masak a ana simkhalou, tutung a ana simkha a kipahtu hon thonte tung ah kipak ing. "*Article hon gelh nawn zeel mai ou...*" chih aw pen Pathian' sapna bang a ngai tlat in havai meh mah kon thuuk khe nawn hi. I lawmpa uh (Pu Hao) in dailuah meh mun nih leh thum ah ahon thuk sek a, bangziakin? Laigelhtu (mi ommoh) i tawm luat ziak uh ahi. Khatvei-vei antuimawl khawng bek na hon thuk kei di ua!!

*"Bible zilte khami ngen di ka sak leh a sebulom, a inkuante'n a hong hoih khak leh chia a zil sak ngen uh ki hi-phial avele"* chih thu ka houlim lai un, ka lungsim ah "*Huaiziak a Pastor lakhial lemlum i kei di ua*" chih thumal ahong daw k zui aa.... Mi'n bible zil-te thulimlou tamtak om ahi chih ahon gen ua kipan bang toh kisai a "**Pastor lakhial**" chih thumal hong daw thei a diam chih zaw sui thuk peih khang!!

Kei Pastor la-tu in pang leng ka la fuh ngei kei ding chih

chiantakin ka thei hi. Thau deuh mei-mai, mel kilawm deuh, a poimoh pen a degree hoih, M.Div chih phet-le hilou, doctorate degree neite khawng mah pi bawl di ka hih chia!! Interview nni khawng a smart ze-zat, necktie ok, sam maam hinhen-te mah deihsak di keihchu. Interview hun a degree nei hoih atam leh "*Tutung pastor interview-te hoih mahmah uh ei*" chi pah mai ding ka hi. A degree sang mah in-le, ka inn ua hong ma pawt a "**pu..pu**" hong chite mah "*maipha zon siam na-na na tuh mipil eive*" chia

aleh mipi ten hon zuizoulou ding ua, lah heutu ngen leng adding zou samkei ding hi. Huai mah bang in ei ten leng heutu te lungkham hun leh mangbat hun a leng hehnam tu leh panpih tu hi gige din man ni.

Awle Leikhamaang tangthu toh kisai a gennop tampi omlai

mah leh hiai tan in I zou phot dia, himahleh theihdia poimoh tuh Christian I hih na I zahpih kei dia, hangsan tak in I pangding uh Pathian gam na sem ding in.

Toupa in simtu te tengteng agam na semzou ding in hatna hon peta hen.

Rev. Khamlianmang, Coordinator  
(Missions) makaihna a Mission  
Tour a kuante limlak.  
Report aban lam ah kimzaw in.....



uh hontheih pih lai hi. Anu lunggim diing dan zong a theih pih mahmah a, Mary a sanggamte lak a om diing a deih kei hi, aziak bel, “*a sanggam ten amah (Jesu) gintak louh ziak un*”(Johan 7:5). A sanggamte lak a, amah gingta thei omlouh ziak un, Mary, John kiang a om kha ahi zaw hi. John bel Mary ading a, a pian pih Solomi tapa ahi hi. Alehlah tak ah, Jesu pianpih leng a chihtheih diing hi. Nungzui dangte sang in, Mary toh John salam ah, akinaih pen diing uhi.

**4. “...Eloi, Eloi lama sabakthani” chi in; huai bel, “Ka Pasion, ka Pasion, ba hon paisan na hia?” a chihna ahi (Matthew 27:46).**

Kalvari Cross ah, Jesu mangbang tak in a kap hi. Mihing ngaihtuanna lel a zong, ngaihtuah diing in, Pasion in a tapa neih sun taisan mawk diing in, a gintak huai kei hi. Jesu Khrist leng Pasion ahihna toh, Pa, Tapa leh Khasiangthou toh awm khawm gige uhi. Niikhat leng kikhen ngeilou leh kikhen thei lou ahi uhi. Himahleh hiai kalvari Cross ah, NANG-LEH-KEI khelna ziak in, Pasion toh

kikhen uhi. Jesu mihing melpu’ n leitung ah hong piang a, NANG-LEH-KEI khelnate ngaihdam a om theihna diing in, NANG-LEH-KEI toh Pasion kal ah palai in hong pang hi. Kuapeh Jesu Khrist gingta lou, meidil ah a pai diing hi. Khat vevei I hinkhua uah, Pasion in hon paisan hita hiam I chih hun uh om ngei diing in ka ginta hi. Bangziak hiam I chihleh I khelnate ziak uh ahi hi. Ahihleh bangziak tak a Jesu Cross a hichi lawmlawm a kap ahi dia? Pasion in bangchi bang haksatna tuak ahi dia? A tapa deihtak a taihsan mawk? Pasion in bangchi bang, itna nei ahi dia, sanggam na ngaihtuah kha ngei himhim uh hia? NANG-LEH-KEI hon IT ziak a, atapa na ngawn IT lou a honpia pa adi’ n bang na pia thuk sam dia.

Laisiangthou Marka gelh dan in, Jesu Cross a kilh hun uh zinglam dak 9 vel hi di’ n a gintak huai hi. Aziak bel laisiangthou siamte gen da’ n in, Jesu Cross ah dakkal thum vel a om achi uhi. Matthai gendan in bel “huan sundak 12:00 apan sunnung dak 3:00 na tan in gamsung tengteng a hongmial a” (Matthei 27:45). Huchiin dak thumna ah jesu tuh

aw ngaihtak in “*Eloi, Eloi, lama sabakthani,*” *chi in hong kikou khia hi (Matthai 27:45,46; Marka 15:34), huai bel “ka Pasion, Ka Pasion bang achia hon paisan na hia?” achihna ahi.* Leitung a Jesu thuneihna lakkhiak sak a omlai in, nisa nasan inleng a vak suah ngamlou hi. (Bethlehem khua a hongpiang lai in, “*Toupa thupinain akiim uh a taanvaak hi*” *Luke 2:9* ). Leitung apan lakkhiak ni inbel, Judia gam adia laizang penpen Jerusalem khopi leh a kiim tengteng khua a hong mial hi.

### 5. “...Ka dang atak” achi hi (John 19:28).

Cross a Jesu thugen lak a, a tom pen “*Ka dang atak*” *achi hi (John 19:28)* *chi in hong kikou khia hi.* Huchii in, twithuk apia uhi. Bangziak a Jesu’n ka dang atak chi ahi di? A dang taak taktak mah a diam? A dawnna ding tampi om thei hi. Khat kia I gen diing, Jesu leng mihing taktak mah ahi chih achiang ban ah, Leitung leh asung a om tengteng bawlp’a’n NANG-LEH KEI hon ITNA jiaak a hiai bang dangtaak na thuak ahi zaw hi. Jesu’n athuakna ziaak in, nang-leh-ken Pasion toh kilemna I nei thei hi.

### 6. “Zoh ahita” achi hi (Johan 19:30).

Jesu’n huai uain thuk adawn khit in, “*Zoh ahita*” *achi hi.* Huan a lu akun a, a kha a khahta hi (Johan 19:30). Jesu Leitung a hongpai na san, ahikhei leh anasep diing teng a zoh in, zoh ahita chi in a kha akhahta hi. Huai omdan bel I Toupa Jesu’n, khelhna ziaak a bat I neih tengteng hopiak sakta hi. Adam leh Eite’n I hihtheih louh un, Jesu’n Pasion kiang a, I bat tengteng uh hon piak sak ta hi. Tua pan nang-leh-ken chihlai peuh in, Pasion kiang kisuanlah na om hetlou in I zuanthei ta uhi (bat I neihchiang in I bat nate muh diing kisuan lah huai hi. Himahleh I bat te I ditzawh chiang in I bat nate’ va muh diing poi kisalou hi). Aziakbel I bat tengteng uh, Jesu’n Cross a honpiak sak ta hi. Tua I mohpuakna thupi pen uh, Jesu Khrist a ginna koih diing ahita hi. Jesu Khrist bel van ah, Pasion kiang ah, Nang-leh-kei honna vaidawn diing in, honna ngak gige hi. Huaiziakin, Laisianthou in, “*Hun kipahhuai ah, kon ngaikhia a, hotdamna ni ah kon panpih. Ngai un, tu hun kipahhuai ahi a, ngai un, tu hatdamna ni ahi*” *achi hi (2Korinte 6:2).* Unaute tuni eite a dia, hotdamna ni ahi hi. Toupa

hun leh tulai hun teh le-hang Pathian lau leh zahtak I tam kei ua, khovel a teng mihingte I buai zouta uhi. Aziak Christian ki chi hang a lah milem bête kiang khawng ah pai in Programme bang zat pih a omdan uh copy, khente lah siampute ki thoihsak, Inn bang siansuah sak, milem bête toh kiteng, gingloute lak a lah ann nek ding nasan thum ngam lou. Ei gingtute zaw a chang chia buaihuai hi ve hang aw maw? Pathian I gin dan pen tulai pau hi leh **dau** etna mah bang, Pathian muang leh Christian ki chi ngal la muang ngam lou, La Pathian in milem beken chi, ginglou te toh kiteng ding hon phallou, Pathian in Gingu te khawvel gam tengteng luahsuak ding leh amah tangthupha puangzak dia hawn bawl. Ei Christiante bangchi ta? Pathian I thu a paipih di maw? Pathian thu mah zui a paipih di? Vak tate I hih na langsak ni.

### 2. Et tawn dia a hoih louh na:

Pathian in mihingte a bawl a, Leitung tengteng luahsuak ding leh amah tangthupha puangzak leh genkhetu dia hon bawl ahi. Leikhamaang hi abuk ban apot

kei a, ganhing dang leng alut tuan sam kei hi. Lah a mangpen mang kisa in nisa leng a mu ngei kei a, a om na khat in a om den hi. Huai mah bang in, Ei te leng leikhamaang banglou in I hangsan di ua, Pathian tangthupha gen ngam leh mun teng a, athei nailou mite kiang ah Tangthupha gending I mawh puak ahi. Gingloutu eilak a ahon lut ua a om khak tak zenzen ua lehleng ginglou te ahi uh chi mai lou in, Bangchin amah kiang ah Tangthupha gen in Gingu ahon suak thei dia aw chin Pathian toh pangkhawm le hang zohlah omlou ding hi. Mihingte apilsa, siamsa, a hausa, a zawngsa, gingu di mong a piang leh theisa himhim a piang kuamah a omkei. Huai ahi I mohpuak na.

Atawp na pen ding in, Heutu ten leng heutu kahi, lamkai khat kahi, na hon zah ding uh ahi chimai lou in, Pathian tate lamkai leh mapitu kahi chih thei a, sepding, bolding leh haksat na leh gentheih na tuah hun aleng mapitu hihngam, taan ngam leh thuak ngam a ngai hi. Heutu in amite lungkim na hiam? Salam leh Khalam a leng gilvah na uh hiam chih a theih gige apoi moh hi. Huai theiphalou heutu ahik

## LEIKHAMAANG LEH CHRISTIANTE

-D.Muana.

Amasa pen in May 2014 kha tan honpikaitu Pathian min I phat masa hi. Huan, Leikhamaang leh Christian-te kichi simtute tengteng Pathian min in chibai. Leikhamaang I chih Pathian thil bawlte lak a ganhing chikhat, leikawm a khawsa leh kumpi khat nei a kivaihawm ganhing chikhat ahi.

Leikhamaang I chih miten thil a hoihna leh hoihlouhna a gen vengvung ua, a kheten leikhamang pen damdawi chikhat ahi achi ua, khen ten lah Compound sung ah aom leh hoih a chi ua, aziak bel hauhna in hawn bawm chi uh. Kuan thei kha adiam maw? Adik zaw thei khang, adik zaw awm mai thei ahi. Bangteng hileh hiai Leikhamang pen damdawi leh hauhna vai gen ut ihi kei a, Leikhamaang tungtawn a Christian ten etton dia hoih leh hoih lou gen ut ihi zaw hi.

### 1. Et tawn dia ahoih na:

Leikhamaang in alian, aneu akhentuan kei a, a mang (kumpi) pen uh leng a zahtak uhi. Amangpen Inn ding a lamsak ua, a nek ding leng apia uhi. Pathian tuk in a ngai ua, amau pen leitung a mihing sepaihte mah abang uhi. Huai mah bang in ei Christian ten leng Saptuam sung ah lubawk pen leh vaihawmtu Toupa ah mi muanhuai mah ki poimoh hi. Heutu awmlou zaw Tuipi tung ah lawngtai ahektu omlou toh ki dang ahi. Vaite bang en lehang

milem pathian bia ahi na ua, a siampute uh pathian tuk in a ngai ua azah tak uhi. Huaiziak in ei Christian ten le amasa pen in Pathian lau in zahtak pen in koih lehang hon vualzawl ding a, Pathian in atate a taisan kei a awmpih gige hi. Heutu zahdan siam in zahtak ni.

Leikhamaang a omna buksung uh en lehang ganhing chih ding himhim a om kei hi. Aziak bel amau kia in a khosa ua, thildang himhim a buaipih kei ua, a mangpen mah amai et uhi. Huai mah bang in ei ten leng nidanglai

hotdamna tang diing in, na kimanta hiam?

### 7. "...Pa, na khut ah ka kha kon keemsak hi" achi hi (Luke 23:45).

Hiai in hon etsak bel, Jesu'n amah utna taktak a, a hinna Pasian kiang ah, apia khia chih a muhthei hi. Jesu' leitung ah amah a diing a, Nopsak na diing om hetlou in hong piang a, huchi mah bang in, amah adia hamphatna diing om hetlou in, Cross ah haksa tak in hong si hi. Tunii a I ngaihtuah diing ua, deihuai mahmah bel, nang-leh-ken Pasian toh ikilem theina diing a, Jesun a hinna manphatak hongpiak ahi hi. Hauziakin, nang-

leh-ken tuni a, Jesu khrist kisan nailou diing I diam? Jesun Pasian kiang a, ahinna a piak khiak ngamna in, Pasian ah muan na taktak leh Pasian kiang a pai dia Thoukhia ngeingei diing ahi chian mahmah hi. Jesu thugen in, "*Pa, na khut ah ka kha kon keemsak*" achi hi. Huchiin, Jesu Khrist leng apa kiang ah, lungmuang tak in a khawlta hi.

Jesu Khrist in nang-leh-kei hotdam a I om theihna diing in, Cross ah haksa tak in hongthuak hi. Na hinkhua ah, Khrist a lungmuan na leh kipahna taktak na neita hiam, sanggam kivel chiat ni. ... Toupa'n a thuthei siam chiat diing in simtute tengteng hon om pihta hen.

## COUNCELLING TRAINING 2014

May 14 & 15, 2014 sungin Conference Hall, PCI Head Office ah Councelling Training neih in om ding. Teacher dingin Dr. Mike Spencer, Certified Councillor, USA pang ding hi. Hiai hun a tel ngei-ngei dingte:

01. Pastor & a zite tengteng
02. Headmaster, Village School
03. Moderator & Secretary (North & South Presbytery sung a saptuam teng apan)
04. Superintendent & Secretary (North & South Presbytery)
05. A lunglut kuapeuh tel ding a chial ahi.

- Rev. G. Suanzalam  
Coordiantor (Institution)

## MISSIONARY DAY

-Rev. M. Khamlianmang Coordinator(Missions)

I gam a tangthupha bangchibang a hong tunga a chih mibangzah hiamte'n ithei. Dr. Peter Frazer leh azi banah Watkin Ropberts ten Johan laibu Lushei pau a kiletlkhia a hawmzakate uh Senvon hausa Pu Kamkholun kiang tungkha hi. Laigelh leh simthei omlou uh ahihman in Hausa Upate kisamkhom in sawttak genkhomna leh kinialna aneih zoh un Hausapu'n Kagam sung a hiai bang thillamding hong tung bang thu hita ding hiam? Kei mah, Senvon Hausa, Kamkholun – samat, galmat a vualtungtuang pa'n tuni'n noute ka khua leh tuite mai ah hanlung chiam in hiai thulamding kanchian ding in mi isawl ding uh hon chita hi.

Huchi in Watkin Roberts, Savoma, Thangchhing puia, Vanzika leh Aizawl a laisim a hohte tangval nih Lungpau leh Thangkhaite Senvon khua May 7, 1910 in hong tung uhi. Senvon khua hong tun chiang un nupi hon in sapte mu chimahtak sangsa lua in leh kang/ngou salua uh a, mihing hia/hilou chih leng buai hial in lauh chihtak in lau ua, Tangkou/tang-au in mipite kiang ah **“Tangvalte na galvan uh hon tawi unla, hongpaikhom meng un, Numei leh naupangte na bumang un, Milamding hong pai ahi”** chiin thum vei khong gentuantuan chi uhi. Himahleh Watkin Roberts in unaute honlau kei un, kei leng noumau

bang a mihing kahi, Pathian in noute hon itna gen dia hong kuan keive, Jesu Khrist ITNA thu noute kiang a puangkhe dia hong kuan ka hi. Hongpai un, hon naih un. Hausa pu zahtakhuai aw! Na hon thukhah bang a hiai laibu siangthou sunga kigelh Pathian thu hon hilhcian dia hong kuan ka hi. Hiai laibu pen Pathian Thu ahing, bangkim hihthei Jesu Khrist thu kigelhna ahi, tulai a ibiak bangbang hilou – I khelhnate ziak a sia, nithum ni a thounawn Jesu thu ahi chi hi. Huai a chih tak in nang kua na hi hiam a chih ua leh, aman 'gamlapi ni 100 val hongpai a hiai mun a Jesu thu hilh dia hong ka hi, ka min Watkin Roberts

ahi' achih leh gingta dek teuhlou in Siampu pa'n ni 100 val paina ding lampi omkei, hiai imuh tawp ban a mual gukna ah lei leh van kimat hi, huai mun a leilawn asau a sau om leng ka mu, huai ban ah misikhua a om, hiai laibu na chih leng thu zuapi, nagente leng thuzua ngen ahi chiin dawng hi. Watkin Roberts in tua ka hon hilh te leng ni tampi nung chiang a leng hon hilh thei nawn ding ka hi, mangngihloulou hial ding ka hi achih leh amau – 'huai bang chi'n na chian thei dia? Roberts in chian thei e, hiai laipek ah pen(laikung) in na deihzah uh ka gelh dia ka lawmte mun dang, khuanawl a omte kiang ah amau toh kimulou in kihou lou in ka gelh zahzah laibu hon tawi sak thei ding uh. Huchi'n ka hih dia a dik leh Pathian thu na kiang uah gentheihna ka nei thei diam achih leh Hausa pu'n, “He, na neiding, ka chih zahzah uh na gelh a dikkei leh thah na hi diing chih ka puang hi” achia. Robert in bangzah ka gelh dia achih leh Hausa pa'n khut zungnga lik in nga...nga.. achia. Hausa Upa khat sawl ua agelzhah geihmah hon tawi chiang in lamdangsa mahmah uhi. Hausa Upa in 'Laipek gelh lel a, ahihhang a lah

kimutuah hetloua, deihdeih lah hithei hiai mi ikhua a siampu in zang lehang mi tampi hihdam thei diing ahi, Pathianthu a gennop pen leng gen sak mai le maw hon chi hi. Hausa pu'n 'Tuni in , kei Kamkholun, Senvon hausa in ka khua leh tuite tengteng lak ah na zak in hiai ka puang khia ahi'. Na Pathian thu uh na ut tantan ka khua uah na gen thei ding uh chi in phalna k'on pia' hon chi ta mai hi. Siampu khat in lai kigelh in thil hihthei chiin, alai puan in thil hihtheisa in na taimangpih chitazen uh ei, lawmlawm ichi maithei a, huai hunlai a ipi-le-pute dinmun uh huai bang ahi. Watkin R. in Praise the Lord! Amen 'TOUPA phat in om hen, Amen chi in Jesu Khrist tanchin zalentak in hon gen panta hi. Huchiin Watkin Roberts leh a lawmte ni tampi Senvon a tam in Pathian thu gen ua, pu Thangkhai leh Lungpau lampi hilh tute mahmah in Jesu Khrist gingta in igam ah Khristian hong kipanta Pathian phat in om hen. Tuni chiang in zalakah zakhate (100%) Kristian ikichi theita hi. Thil hoih Tanchin kipahhuai tunte khe kilawm hi na tel e maw?(Romte 10: 15).

Missionary day amanpha leh lohching thei pen a zang chiat din kon ngen hi.